

竹汀先生日記鈔卷一

弟子何元錫編次

所見古書

題釋名後據陳壽吳志知其避地交州不當目爲魏初人
宋生仁果以元板玉海出示卷首有筠溪老人手題後有范
青之印圖章當是松江人中有正德元年二年補刊之葉蓋
明正德間印本然亦難得矣

或問古學以何爲難曰不誤又問曰不漏此語見潛邱劄記
然不誤亦談何容易卽以地理言之枚乘觀濤曲江百詩不
從南齊書州郡志山謙之南徐州記而主浙江猶可也乃謂
其時會稽郡併入江都國本欲云江都之曲江以二江字相

犯易爲廣陵豈非武斷之甚乎且攷其時會稽初不屬江都
非誤而何謂湖廣之名起於元本宋荆湖北路荆湖南路止
當沿其故稱以廣字涉虛也攷元立湖廣行省實兼宋之荆
湖南北廣南東西四路廣字本非無著明時廣東西別爲省
則不必更沿廣字而百詩亦不能別白言之非漏而何惜不
能起百詩質之

讀東都事略宋祁傳攷其年月知唐書於慶歷中

當是四年開局

至嘉祐五年書成恰十七年歐公在局不及七年故不欲專
其名西莊謂歐宋修史不同時者誤也

盧熊蘇州府志五十卷洪武十二年刊本前有宋濂序熊字

公武作志時方爲吳縣教諭以薦由工部照磨爲中書舍人
前有圖一卷其書詳贍有法因悟續漢郡國志吳郡安縣卽
婁縣之譌後人失於校改又增婁字於諸縣之末其誤自宋
本已然

沈炳震歸安人乾隆丙辰薦舉鴻博不第未幾卒錢文端公
督學順天嘗以其所著新舊唐書合鈔二百六十卷進御其
後武英殿校刊二史頗采其說入考證亦有隱其名者沈
書以舊史爲主而新史之互異者分注其下新史所增之傳
則以類添入間有攷證亦在注中

文翔鳳西極篇十六卷詞意艱晦蓋拾太元潛虛之糟粕而

揚皇極經世之波瀾者也自題太微經亦可笑

盧抱經以校定熊方後漢書年表樣本見示聞鮑以文已刊入叢書矣其中如光祿勳鄧淵廷尉宣璠少府田邠見殺事在興平二年而誤列于元年又脫去光祿勳士孫瑞大長秋苗祀皆不可不補正

讀鉅鹿東觀集十卷鈔本

魏野詩

前有天聖元年樞密直學士

知益州薛田序本名草堂集薛易其名以身後贈祕書省著作郎故也

借讀陳季立第毛詩古音攷四卷屈宋古音義三卷顧亭林言古音實本於此其讀化爲嬉爲爲怡則不如顧之得其正

也招魂砥室翠翹挂曲瓊些本與上寒浹蘭筵韻古文瓊璿本是一字也今改作強與下文光張韻則非其類矣此沿吳才老之誤而不攷說文故也

荅談階平札言攷異中解秦三十六郡據漢志正文非以解史記卽始皇紀廿六年分天下爲三十六郡分郡旣不於是年始豈必於是年止史家省文總敘於混一之年亦無足怪姚姬傳疑孟堅志有未備恐未必然

晉志始有四十郡之說其述三十六郡用裴駟

說與孟堅不合

黃薨圃以江少虞事實類苑送閱據宋志是書兩見于故事

類事門俱云廿六卷此本有小序云始于祖宗聖訓終于風

土雜誌總六十三卷與宋志不合而書亦殘闕其存者卷一

至卷五祖宗聖訓卷十五顧問卷十六忠言卷十八至二十五典

音律三官政治續三衣卷三十卷三十一詞翰卷三十九至

四十一詩歌賦詠二卷四十五至四十七仙釋僧道二卷五

十五至六十三忠孝節義二將帥才略二知人薦少虞自序

云二十四門今數之止十有七卽此十七門亦未必全也又

柳開河東先生集十五卷附錄一卷門人張景編咸平三年

景序鈔本序後有小字一行云眉山蠶妾沈彩書又李存俟

庵先生集三十卷亦鈔本與予所見大興朱氏家鈔本同又

李士瞻經濟文集四卷予向所未見據天順三年永新劉雋序似與其子繼本一山文集合刻繼本至正丁酉進士翰林檢討今其集不可得見矣

嘉興沙溪以靈臺祕苑十五卷求售似是贗本靈臺祕苑後周庾季本撰此卷首有編修官于大吉等看詳官王安禮歐陽發名而不言季才撰第一卷卽用丹元子步天歌丹元子係唐人其非季才書明矣

讀晦之廣正疏義釋詁篇未詳亦咲反三字因悟此三字當是曹憲音後人羈入正文咲當作妖亦妖正切搖字方言搖療治也去此三字則搖療連文矣張稚讓元本亦必是搖字

若搖乃常用字不須下音釋訓汎汎下有莢莢字亦是以音
驛入正文與此正同

晤黃蕘圃見其所得三歷撮要一卷不著撰人亦無年月卷
中引沈存中筆談當是南宋人作也其所引有萬通百忌諸
歷名目甚多皆選擇所用未審三者何所指也又新校地理
新書十五卷金明昌壬子古戴張謙校刊有序前有大定闕
逢執徐歲平陽畢履道序攷宋志王洙地理新書本三十卷
經畢張二家重校必多芟落每條之後間附謙說大約非皇
祐之舊矣

黃蕘圃過談言史記有宋乾道蔡夢弼本及耿氏本

黃堯圃出示政和五禮新儀大金集禮段昌武毛詩集解

有前淳祐八年國子監公據本三十卷缺後三卷及衛風孔叢子宋咸注七卷有咸自序及進表時官廣

南西路轉運使元獎撰大唐西域記鄭世子瑟譜十卷皆商邱宋蘭

暉家所藏也

通鑑綱目大全五十九卷序文後有小榜云楊氏清江書堂新刊合尹起莘發

明自題遂昌柘溪劉友益書法字益友廬陵人有凡例王幼

學集覽字行卿望江人泰定元年江克寬攷異至正三年自序有凡例徐昭文攷證

上虞人至正五書刻之前有朱文公自序凡例與趙師淵論

綱目手書凡入嘉定己卯十月李方子後序咸淳乙丑金華

王柏後序李果齋刻此書未有凡例王魯齋始訪于趙氏趙與巒錄以校之乃刻于金華文天祐復刻之宣城

元至正初汪克寬得倪士毅本復刻於新安
并摭刊本綱目與凡例相戾者二十二事

黃堯圃來以唐祕書省正字徐夤釣磯文集見借夤字昭夢
莆田人乾甯初進士釋褐祕書省正字據其族孫師仁序云
家故有賦五卷探龍集五卷又於蔡君謨家得雅道機要又
訪得詩二百五十餘首以類相從爲八卷并藏焉今本僅十
卷則裔孫玩所編次賦詩各五卷而賦又缺其一云是錢氏
也是園鈔本

海甯吳槎客以元中統二年刻史記索隱本見示首有校理
董浦序云平陽道僉幕段君子成募工刊行者也又不全宋
板漢書大字本厘十四卷前題漢護軍班固撰唐正議大夫

行祕書少監琅邪縣開國子顏師古集注與今本異每卷之
後記正文若干注文若干真宋本之最佳者黃蕘圃有南宋
蔡夢弼本亦與
中統本同有集解索隱而無正義
漢書大名在下卷首書
文三王傳而篇中又別題梁孝王傳梁懷王傳與今本異式
晤黃蕘圃見宋淳熙三年撫州公使庫本禮記音義又惠松
崖山海經補注一本

與翁覃溪札有辨胡方平周易啟蒙通釋竹垞誤以朱文公
序爲方平自序

讀段若膺說文解字讀第一本其用心極勤然亦有自信太
過者如艸部刪去芹字併苳與
芹爲一菽字菽訓毒艸
菽訓卷耳今
卻以毒艸屬菽而刪菽

又疑示部之禪艸部之藟爲後人增入又謂上諱不當有篆

文皆未可信

陳雲濤舍人招同汪竹香張秋濤觀宋鈔司馬溫公集注揚子太元凡六卷後四卷則襄陵許翰解擬韓康伯注繫詞之

例合爲十卷明時爲唐子畏所藏後歸錢同愛

溫公所集宋衷陸績范望

宋惟澣陳漸吳祕諸家。宋志有溫公集注太元經六卷而許翰元解四卷不載惟直齋所載與此本同

鏡濤以明萬歷八年大統歷殘本出示其與今本異者每月

交中氣後又數日而日躔某次

少或六日多則十一日

稱一日二日三

日而無初字建除十二辰在二十八宿之上書上下弦望而不書合朔亦不注時刻節氣有時刻而無分又月內有盈虛

日

晤袁又愷借得李仁甫續通鑑長編第一函卽永樂大典內
鈔出之本也起建隆至元符三年正月其中尙缺治平四年
四月至熙甯三年三月又自元祐八年七月至紹聖四年三
月若徽欽兩朝則永樂大典亦無之也其分卷五百二十則
館臣以意分析非李氏之舊矣

葉文莊公集三十卷

水東稿八開封紀行稿五萊竹堂稿六
八涇東小稿八和山東名勝詩一

世孫九淵所刊明藝文志惟載文稿二卷詩一卷府志亦載

水東文稿二卷詩稿二卷萊竹堂小稿一卷俱不如此本之

備文莊又有奏草三十卷見於明志

府志作
奏議

則予未之見也

得抱經札言魏未禪而書晉一條殊有別解

借嚴豹人鈔本龍龕手鑑四卷以平上去入爲次每部又以四聲爲次遼沙門行均字廣濟集有統和十五年燕京憫忠寺沙門智光序卽宋至道三年也

張沖之來談借得咸淳臨安志十六本乃從盧學士校本借

鈔者元目百卷

缺六十四九十九八十九一百其六十五六十六兩卷盧氏得宋本補入。竹垞云

予從海鹽胡氏常熟毛氏先後得宋槧本八十卷又借鈔一十三卷其七卷終缺焉

晤袁又愷臧在東見宋板爾雅疏

有正文而無注疏皆大字引韓詩箋彼圃田每葉三

十行行三十字公羊傳靈公有善狗作害狗

又翻刻朱文公周易本義十二卷前

有易圖卷末附筮儀五贊咸淳乙丑九江吳革刊本其雜卦傳遭遇也不作垢與唐石經岳倦翁本同可證文公本猶未

誤也向讀咸速也恆久也注惟咸速恆久四字甚疑之讀此本乃是感速常久乃悟俗本之誤

讀元板遼史不全本卷首有至正三年三月十四日三月廿

八日聖旨兩道爲監本所無其一云篤憐帖木兒怯薛第三日其一云別兒怯不花怯薛第

二日

讀分類補注李太白詩廿五卷

春陵楊齊賢子見集注章貢蕭士贊粹可補注

集千家注批點杜工部詩廿卷

須溪先生劉會孟評點

俱無刊刻年月

顧安道過談送龔璠存悔齋詩一本又借得淳熙耿氏刊史

記本有集解與索隱而無正義每葉廿四行行廿五字前有

淳熙辛丑耿秉序後有廣漢張杆跋

卽介仲

板心稱前跋當有

後跋而今失之矣

至圓妙觀閱道藏晤袁月渚沈肇新兩道士此藏乃萬歷戊戌年刷印頒行本也山海經郭氏圖讚系於每篇之後此它本所無

觀宋刻玉臺新詠小字本嘉定乙亥永嘉陳玉父刻甚工每葉三十行每行三十字唯焦仲卿詩新婦初來時小姑如我長中脫二句又曙字不缺筆

讀婁機班馬字類宋刻有兩本肅脊字一本但大書御名一本缺末筆

黃堯圖示宋刻後漢書第一本目錄後題建安劉元起刊於